

矯慎之印

矯慎字仲彥扶風茂陵人少學黃老隱遯山谷因穴為室仰慕松喬道引之術年七十餘竟不娶後忽歸自言死日及期果卒後人有見慎於敦煌者



崔瑗之印

崔瑗字子玉駙之子習父業明天官曆數京房易傳六日七分年四十餘始為郡吏以事繫獄好學不倦後舉茂才遷汲令辟田數百頃視事七年百姓歌之



馬瑤之印

馬瑤扶風人隱於沂山以兔置為事所居俗化百姓美之號馬放先生



張衡

張衡字平子南陽西鄂人
才高於世而無驕尚之情
昔天下承平王侯踰侈迺
擬班固兩都作兩京賦以
諷諫精思傳會十年乃成







胡廣



左雄之印

胡廣字伯始華容人歷事

六帝一履司空再作司徒

三登太尉又為太傅其所

辟命皆天下名士年已八

十而心力克壯事繼母在

堂旁無几杖言不稱老京

師諺曰天下中庸有胡公

左雄字伯豪南郡人為尚

書令有工臣蹇蹇之節帝


封乳母宋娥為山陽君雄

諫曰先帝封阿母王聖造

讒賊廢立之禍今封山陽

君而京城地震宜還其封

以塞災異後果以交構失



班勇之印



虞詡之印

班勇字宜僚超之子少有

父風以勇為軍司馬遷西

域長史悉平車師等六國

又發諸國兵擊匈奴車師

無復虜迹城郭皆安

虞詡字升卿陳國武平人

年十二通尚書辟太尉李

修府與鄧騭有隙遷朝歌

長故舊皆弔詡曰不遇盤

根錯節無以別利器遂單

車赴任設三科以募士賊

眾駭散咸稱神明





王逸



來歷

王逸字叔師南郡宜城人

元初中為校書郎著楚辭

章句行於世子延壽有雋

才少遊魯國作靈光賦後

蔡邕嘗擬作見之遂輟翰

來歷字伯珍歛曾孫也少

襲爵安帝乳母王聖誣譖

太子歷詣鴻都門證太子

無過詔詰責歷獨守闕連

日不肯去帝怒免歷官順

帝立舉朝稱歷社稷臣於

是遷為衛尉



樊英私印



朗顛

樊英字季齊魯陽人明五

經善風角星筭河洛七緯

推步災異隱於壺山之陽

累徵不至順帝切責郡縣

英不得已到京猶不以禮

屈帝怒之而敬其名待以

師傅之禮名最高毀最甚

朗顛字稚光北海安丘人

父宋善風角星筭六日七


分顛世其業明經典勤心

銳思朝夕無倦順帝時災

異屢見條陳便宜七事拜

郎中辭病不就





襄楷



霍諝

襄楷字公矩平原人博學善天文桓帝時大雨雹上疏以為刑罰急刻之所感也劉瓚成瑁志除姦邪而陛下嚴被譴讓憂國之臣將遂杜口矣尚書奏楷析言破律下司隸論刑

霍諝字叔智魏郡鄴人年十五奏記于大將軍梁商釋其舅宋光之獄諝由此顯名舉孝廉拜金城太守以恩信化誘殊俗甚為羗胡所敬服入為尚書僕射



應奉



陳龜

應奉字世叔汝南南頓人少聰明凡所經歷無不暗記為郡決曹史行部四十二縣錄囚徒數百千人及還太守備問之奉口說罪繫姓名坐狀輕重無所遺脫為司隸校尉以疾自退

陳龜字叔珍上黨泫氏人少有志氣拜京兆尹奮厲威嚴平理怨屈郡內大悅會羗胡寇邊拜度遠將軍既到職州郡重足震慄鮮卑不敢近塞歲省經用以億計





張綱



周舉

張綱字文紀為侍御史詔

遣循行風俗綱獨埋其車

輪于洛陽曰豺狼當道安

問狐狸冀乃諷尚書以綱

為廣陵太守綱至收劇賊

張嬰等為良民綱卒嬰率

眾制服送喪負土成墳

周舉字宣光汝南汝陽人

拜并州刺史黃龍禁之思


風俗以安徵拜侍郎巡行

天下劾奏貪猾表薦公清

拜光祿大夫卒朝廷方欲

以為宰相深痛惜之賜錢

十萬以旌羔羊素絲之節



種暉



種暉字景伯河南洛陽人

為侍御史擢監太子中常

侍高梵從單駕出迎太子

暉乃手劔當車曰太子國

之儲副天命所繫今無詔

信何以知非奸耶馳奏之

暉臨事不惑帝亦嘉其

荀淑字季和潁川潁陰人

荀卿十一世孫少有高行

博學而不好章句多為俗

儒所非名賢李固李膺皆

宗師之棄官閑居養志卒

有子八人並有名稱時人

謂之八龍





楊震之印



朱穆

楊震字伯起弘農華陰人

年五十始仕不受私謁時

遣使大為阿母修第震切

諫不聽遣歸飲醪卒順帝

卽位以禮改葬會葬者數

千人有大鳥高丈餘集喪

前悲鳴淚下葬畢乃去

朱穆字公叔暉之十五歲

有孝稱為冀州刺史部令

聞穆濟河解印綬去者四

十餘人祿仕四十年蔬食

布衣家無餘財蔡邕與門

人共述其休行謚為文忠

先生



楊秉



李固之印

楊秉字叔節震之子拜侍

御史出為豫荆徐兗四州

刺史計日受俸餘祿不入

私門每朝廷有得失輒盡

忠規諫多見納用性不飲

酒所在以淳白稱嘗曰我

有三不惑謂酒色財也

李固字子堅漢中南鄭人

正色立朝梁冀等飛章虛

誣固罪冲帝不聽冀忌帝

聰慧乃為帝說太后先策

免固竟立蠡吾侯是為桓

帝構誅固二子基茲皆死

獄中少子燮





杜喬



何休之印

杜喬字叔榮河內林慮人

守光祿大夫使狗察兗州

表奏太山太守李固政第

一梁冀擅權喬多所糾奏

日忤於冀李固見廢羣臣

側足唯喬正色無回及清

河王蒜事起為冀誣死

何休字邵公任樊人為入

質朴訥口而雅有心思精

研六經世儒無及者以春

秋駁漢事六百餘條作公

羊墨守左氏膏盲穀梁廢

疾行於世



尹勳



段熲

尹勳字伯元河南人性剛

毅直方少時每讀書見忠

臣義士未嘗不投書而嘆

為尚書令延熹中大將軍

梁冀誅召勳部分眾職甚

有方略封宜陽鄉侯

段熲字紀明武威姑臧人

少習弓馬尚俠輕財折節

好古拜破羗將軍凡百八

十戰仁愛士卒疾病者親

自贍省身為裹創在邊十

餘年未嘗一日蓐寢東羗

悉平





韓康之印



邊韶

韓康字伯休京兆霸陵人
賣藥長安小女子皆知其
名遂遜入山桓帝備禮聘
之亭長以韓徵君當過發
人修道橋及見康乘柴車
至以為田叟也使奪其牛
康即與之因遜逃以壽終
邊韶字孝先陳留浚儀人
以文學知名教授數百人
拜大中大夫著作東觀著
詩頌碑銘書策凡十五篇



范丹




魏桓之印

范丹又名冉字史雲外黃
人慕梁伯鸞閔仲叔之為
人桓帝議以為侍御史因
遁於梁沛之間推鹿車載
妻子捃拾自資有時絕粒
閭里歌之曰甑中生塵范
史雲釜中生魚范萊蕪
魏桓安陽人桓帝時數被
徵其鄉人勸之行桓曰夫
干祿求進所以行其志也
今後宮干數其可損乎厩
馬千駟其可減乎左右權
豪其可去乎使桓生行死
歸於諸子何益哉遂遁去



上海圖書館藏



姜岐之印



周勰

姜岐字子平上邽太守喬

玄召岐不就玄怒敕督郵

尹益收岐殺之益不可玄

怒搃益益諫曰岐少修孝

義棲遲衡廬鄉黨歸仁名

宣州里實無罪狀益故敢

以死爭也玄乃止

周勰字巨勝舉之子杜門

絕交時梁冀貴盛被其徵

命者莫敢不至唯勰前後

三辟竟不能屈隱處窳身

巷生荆棘十餘歲至延熹

二年乃開門延賓宴樂及

秋而冀誅年終而勰卒



申屠蟠印



爰延

申屠蟠字子龍陳畱外黃

人家貧傭為漆工味道守

真不為燥濕輕重不為窮

達易節召為主簿不受乃

絕迹於梁碭之間大將軍

何進必欲致之勸諭百端

終不答

爰延字季平陳畱外黃人

性質慤少言辭令史昭以

為鄉嗇夫仁化大行遷侍

中帝問延曰朕何如主對

曰中主陳蕃任事則治黃

門預政則亂可與為善可

與為非帝比之朱雲云





皇甫規印



史彌之印

皇甫規字威明安定朝那人為將立功還督鄉里既

無他私惠而多所舉奏又

惡絕宦官不與交通遂下

吏太學生張鳳等詣闕訟

之會赦還家黨錮獄起恥

不與上書自陳天下賢之

史彌字公謙陳留考城人

為平原相詔書下舉鉤黨

彌獨無所上詔旨迫切曰

青城六郡有黨何平原獨


無對曰水土異齊風俗不

他郡自有平原自無胡可

相比活者千餘人



黃憲叔度



裴瑜

黃憲字叔度汝南慎陽人

世貧賤父為牛醫潁川荀

淑遇憲于逆旅叔竦然異

之揖與語移日不能去郭

林宗曰叔度汪汪若干頃

波澄之不清淆之不濁不

可量也

裴瑜舉孝廉侯覽誣奏史

彌檻車徵瑜送之崑澗之

間大言於道旁曰明府摧

折雲臣足以垂名竹帛願

不憂不懼彌曰誰謂荼苦

其甘如薺昔人刎到九死

不恨卒與魏邵等脫彌獄





魏邵之印



戴良私印

魏邵舉孝廉史弼下詔獄

邵毀變形服詐為家僮贍

弼弼受誣奏當棄市邵行

賂侯覽得減死時人或譏

之陶丘洪曰昔文王姜里

閔散懷金史弼遭患義夫

獻玉夫何疑焉議迺息

戴良字叔鸞汝南慎陽人

母卒良與兄伯鸞同居廬

兄啜粥非禮不行良獨食

肉飲酒情至乃哭而二人

俱有毀容良才高倨傲議

論多奇州郡辟之遜入江

夏山中



陶丘洪



袁閔之印

陶丘洪見魏邵傳

袁閔字夏甫昔方險亂閔

散髮絕世欲投山林以母

老乃築土室四周於庭自

牖納飲食而已母常往視

兄弟妻子莫得見也黃巾

賊相約不入其間鄉人就

閔避難者皆得全





王暢私印



趙岐之印

王暢字茂叔拜南陽太守

前後二千石懼帝鄉貴戚

多不稱職暢下車奮厲威

猛糾發無遺豪右大震功

曹張敞奏記諫之乃更崇

寬政慎刑簡罰教化大行

趙岐初名嘉京兆長陵人

岐家屬爲京兆尹唐咨所


殺變姓名逃安丘孫嵩匿

之藏壁中十年乃出拜議


郎遷太僕詣劉表時孫嵩

寓表表不爲禮岐稱嵩素

行篤烈岐以病畱荊州卒



欒巴



孫嵩私印

欒巴字叔元魏郡內黃人

遷豫章太守郡土多山川

鬼怪小民恒破產祈禱巴

悉毀壞淫祠剪理姦巫妖


異頓息拜尚書坐黨錮還

家上書極諫理陳竇之寃

帝怒下詔切責遂自殺

孫嵩事見趙岐傳





郭泰之印

郭泰字林宗太原介休人
辟太常舉有道名震京師
後歸鄉里送者車數千兩
與李膺同舟而濟衆賓望
之以爲神仙焉林宗善人
倫而不爲危言覈論故宦
官擅政而不見傷也



劉陶

劉陶字子奇潁川潁陰人
梁冀專權陶遊太學上書
不報後徵諫議大夫復上
書言當今天下大亂皆由
宦官由是宦官共讒陶下
黃門北寺獄掠按日急陶
遂閉氣而死



黃瓊之印

黃瓊字世英江夏安陸人
歷官太尉與梁冀爲忤冀
誅首居公位舉奏州郡素
行貪汙至死徙者十餘人
海內翕然想望風采旣而
五侯擅權廼稱疾不起



李膺

李膺字元禮潁川湘城人
性簡亢無所交接拜司隸
校尉尅殄元惡諸黃門常
侍皆鞠躬屏氣不敢出宮
省時朝綱頽弛膺獨持風
裁以聲名自高士有被其
容接者名爲登龍門





景毅



毛欽

景毅蜀郡人爲侍御史子

顧爲膺門徒時膺門生故

吏俱被禁錮而顧未有錄


牒故不及于謹毅慨然曰

本謂膺賢遣子師之豈可


以漏脫名籍苟免遂自表

免歸

毛欽見李篤傳



李篤



夏馥之印

李篤外黃人張儉於命主

其家外黃令毛欽操兵到

門篤謂欽曰張儉何罪公

忍執乎欽撫篤曰伯玉恥

獨爲君子足下何自專仁

義篤雖好義明廷今載其

半矣欽歎息而去

夏馥字子治陳畱園人聞

張儉亡命歎曰孽自己作

空汗良善一人逃死禍及

萬家何以生爲乃自剪鬚

變形入林慮山爲冶家傭

弟靜追餉之不受曰奈何

載禍相餉乎





何顥



范滂

何顥字伯求南陽襄鄉人與陳蕃李膺善亦被收捕乃變姓名匿汝南間與袁紹為奔走之交嘗私入洛陽從紹計議為諸名士羅黨事者求救援設權計使得逃免甚眾

賈彪之印



陳蕃之印

賈彪字偉節潁川定臨人黨事起陳蕃爭之不能得朝廷寒心莫敢復言彪謂同志曰吾不西行大禍不解乃入洛陽說竇武霍諝等訟之桓帝以此大赦黨人卒以黨錮終于家

范滂字孟博汝南人少勵清節後以黨事捕母曰汝今得與李杜齊名死不恨矣滂跪受教顧謂其子曰吾欲使汝為惡則惡不可為使汝為善則我不為惡行路聞之莫不流涕

陳蕃之印
門從官駟蹋跋蕃





朱震



荀爽

朱震字伯厚陳留人為銍

令聞蕃死往收葬之匿其

子逸於甘陵界中事覺繫

獄合門極楛震受考掠終

不言故逸得免震初為州

從事諺曰車如雞栖馬如

狗疾惡如風朱伯厚

荀爽字慈明淑之子潁川

為之語曰荀氏入龍慈明

無雙舉至孝拜郎中後遭

黨錮隱於海上徵辟不應


董卓輔政超拜光祿勳三

日進拜司空見卓必危社

稷將圖之會病卒



竇武



鍾皓

竇武字游平扶風平陵人

長女為桓帝后武多辟名

士疾惡不通賄賂兄子紹

疎放奢侈上書論罷之紹

即改行遵教力救李膺杜

密等於獄靈帝立拜大將

軍以謀誅宦官自殺

鍾皓字季明潁川長社人

與荀淑並為士大夫所歸

慕李膺常歎曰荀君清識

難尚鍾君至德可師前後

九辟皆不就





仲長統



許劭之印

仲長統字公理山陽高平

人性倜儻敢直言不矜小

節語嘿無常時人謂之狂

生荀或奇之舉為尚書郎

每論古今及時俗事恒發

憤嘆息著論曰昌言其文

章足繼西京

許劭字子將汝南人與從

兄靖俱有高名好共覈論

人物每月輒更其品題故

汝南有月旦評焉曹操求

為己目劭鄙其為人不對

脅之劭曰子治世之能臣

亂世之姦雄操大喜



鄭玄



王符之印

鄭玄字康成北海高密人

師事馬融質疑問義畢辭

歸融目之曰吾道東矣黨

事起杜門不出孔融表其

鄉曰鄭公鄉玄所注周易

尚書毛詩儀禮論語孝經

百餘萬言

王符字節信安定臨淄人

安定鄙世孽而符無外家

世務游宦而符獨耿介不

同於俗以此不得升進乃

隱居著書三十餘篇以譏

當世得失不欲章顯其名

號曰潜夫論





何進之印

何進字遂高南陽宛人女弟為靈帝后拜大將軍與袁紹謀誅宦官事泄卒為張讓等所害



彌衡之印

彌衡字正平平原人懷刺漫滅無所投唯稱孔文舉楊德祖餘子碌碌莫足數曹操慕衡衡素輕操操怒召為鼓吏本欲辱衡反為衡辱怒送劉表復慢表轉送黃祖復罵祖遂殺之



蔡邕之印

蔡邕字伯喈陳留圉人性孝母疾邕未嘗解襟帶不寢寐者七旬母卒廬於冢側有馴兔連枝之異董卓誅邕懷其厚遇不意言之而歎王允以其與逆也收付獄死縉紳莫不流涕



賈琮

賈琮字孟堅東都聊城人交趾反拜交趾刺史誅斬渠帥簡選良吏百姓以安為之歌曰賈父來晚使我先反今見清平吏不敢飲轉冀州刺史塞帷視事百姓凜然墨吏望風解綬去





皇甫嵩印



應劭

皇甫嵩字義真規之凡子

嵩既破黃巾威震天下却

閭忠之說人臣之義凜然

至於子酈梁衍之說咸棄

不用就董卓之徵將遂誅

之以子堅壽與卓素善而

免亦倖矣卓誅拜太尉卒

應劭字仲遠博學多聞拜

太山太守黃巾二十萬人

入劭界劭擊却之郡內以

安後遷都於許舊章堙沒


劭乃掇集所聞著漢官威

儀故事凡朝廷制度百官

典式皆劭所立



朱雋



張奐

朱雋字公偉會稽人好義

輕財陰脫尹端之罪而端

不知與皇甫嵩共破黃巾

封西鄉侯卓議徙都遷雋

為已副雋對使者曰副相

國非臣所堪遷都計非事

所急卒為郭汜所留死

張奐字然明敦煌酒泉人

遷安定屬國都尉匈奴率

衆歸降羗豪感奐恩德遺


以名馬金釵奐曰使馬如

羊不以入厩使金如粟不

以入懷論功當封以不事

宦官卒以禁錮閉門不出






楊賜




楊脩

楊賜字伯獻震孫也靈帝時侍講於光華殿中遷光祿勳肯有青蛇見御座軒前虹蜺晝見嘉德殿上疏極言內多嬖倖外任小臣所致甚與曹節王甫等為忤位至司空薨謚文烈侯楊脩字德祖彪之子為曹操主簿操忌其才遂因事殺之操見彪問曰公何瘦之甚對曰愧無日碑先見之明猶懷老牛舐犢之愛操為之改容




楊彪之印



呂彊

楊彪字文光賜之子也光和中奏誅王甫天下快心遷司徒關東兵起董卓議欲遷都彪固爭不止遂以災異策免興平元年復為太尉李郭之亂盡節衛主崎嶇危難幾不免於害呂彊以宦者為小黃門再遷中常侍靈帝時例封宦者以彊為都鄉侯彊辭讓再四因上言曹節等奸佞徼寵疾妬忠良不宜妄授茅土又請帝誅貪濁赦黨人卒為諸常侍所構害





傅燮



曹娥

傅燮字南容北地靈州人

為漢陽太守叛羌懷其恩

化並來降附時北地胡騎

隨賊攻郡城乃於城外叩

頭求送燮歸鄉里燮謂其

子曰食其祿不避其難吾

行何之遂臨陣戰歿

曹娥會稽上虞人父盱漢

安二年五月五日於縣江


沂濤迎婆婆神溺死不得

其屍娥年十四號慕思盱


哀吟澤畔旬有七日遂自

投江死經五日抱父屍出

元嘉元年縣長度尚為立碑焉



徐穉私印



王允

徐穉字孺子南昌人家貧

自食其力恭儉義讓所居

服德陳蕃特設一榻以待

之桓帝以安車玄纁徵不

至嘗私謂郭林宗曰大樹

將顛非一繩所維何為栖

栖不遑寧處乎

王允字子師太原祁人允

矯性屈意附卓卓亦推心

不生乖疑故得扶持王室

於危亂之中允見卓篡逆

已兆乃潛結呂布刺殺之

董卓將校多涼州人允議

罷其軍為李傕郭汜所害





蓋勲



李燮

蓋勲字元固敦煌人拜討

虜校尉靈帝召見問天下

何苦而反勲曰倖臣子弟

擾之董卓廢少帝時皇甫

嵩精兵三萬屯扶風勲密

約討卓會嵩被徵不能獨

立不得意卒

李燮字德公初固旣策罷

燮姊文姬豫藏匿燮有頃


難作二兄受害文姬以燮

告托於王成成送入徐州

界令燮姓名為酒家傭酒

家異之以女妻燮遇赦還

為安平相遷河南尹



張升之印



趙壹

張升字彥真陳畱尉氏人

好學博覽而任情不羈意

合者則傾身交結不問窮

賤如乖其志好者雖王公

大人終不屈從為外黃令

以黨錮見害

趙壹字元叔漢陽西縣人

恃才倨傲舉郡上計到京

師司徒袁逢受計計吏數


百人皆拜伏壹獨長揖而

已逢望而畏之歛衽下堂

執其手延置上坐與羊陟

共稱薦之名震京師





趙苞之印



華陀

趙苞字威豪為遼西太守

迎母妻入郡值鮮卑寇郡

遂為所劫出母以示苞苞

以義不得私顧遂進戰母

妻為所害靈帝遣策弔慰

苞曰食祿避難非忠也殺

母全義非孝也遂毆血死

華陀字元化沛國醜人年

百歲而猶有壯容精於方


藥處齊不過數種針灸不

過數處若疾結於內針藥

不能及者乃割破腹背斷

絕腸胃湔洗疾穢縫合傳

以神膏多所全濟



王烈之印



法真

王烈字彥方太原人多義

行里有盜牛者主得之盜

請曰母使王彥方知也烈

聞之曰盜懷恥惡必能遷

善遺布一端以激之後有

遺劍于路一人守而還之

問其姓名乃先盜牛者也

法真字高卿好學而無常

家博通內外圖典為關西

大儒太守欲以功曹相屈


真曰明府見待有禮故敢

自同賔末若欲吏之真將

在北山之北南山之南矣

前後四徵遂深自隱絕





陳寔之印



荀悅

陳寔字仲弓潁川許人為

太丘長化民至於無訟黨

事起眾皆逃避寔曰吾不

就獄眾無所恃遇赦獨弔

張讓父喪故免於難在鄉

黨平心率物眾嘆曰寧為

刑罰所加莫為陳君所短

荀悅字仲豫爽之十年十

二能說春秋多所記誦尤

好著述獻帝時為秘書監

作申鑒五篇甚通達政體

帝好典籍常以班固漢書

文繁難省乃令悅依左氏

傳體以為漢紀



荀彧



臧洪之印

荀彧字文若淑之孫南陽

何顥異之曰王佐才也董

卓之亂聞操有雄畧去從

之操大悅曰吾之子房也

軍國之事皆與彧籌操錄

前後功表封為萬歲亭侯

後與操不合憂憤薨

臧洪字子原廣陽人曹操

圍張超急洪從紹請兵赴

難紹不從超死洪遂與紹

絕紹執洪洪瞋目數紹曰

袁氏世受漢恩不扶翼王

室多殺忠良惜洪力劣不

能為天下報仇耳紹殺之





陳容之印




脂習之印

陳容廣陵人在袁紹坐見紹欲殺洪起為紹曰夫仁義豈有常所蹈之則為君子背之則為小人今日寧與臧洪同日死不願與將軍同日生也紹并殺之

脂習京兆人與孔文舉善每見融剛直奏記諫之及被害許下莫敢收者習獨往撫尸號泣曰文舉舍我死吾何用生為操聞之大怒收習將殺之乃得赦出




孔融



龐公

孔融字文舉魯國人年十六藏匿張儉事發與母兄爭死融由是顯名曹操徵為少府融見操雄詐中不能堪發辭多致乖忤山陽悵慮令祭酒路粹奏融罪過遂弃市妻子皆被誅龐公者南郡襄陽人居峴山之南未嘗入城府劉表就見之曰先生苦居畝畝不肯官祿何以遺子孫乎答曰世人皆遺之以危吾獨遺之以安雖所遺不同未為無所遺也





司馬徽印



趙娥

司馬徽字德操有知人之鑒同郡龐公有重名徽兄事之徽詣德公德公出徽徑入呼德公妻子作黍云徐元直當至其妻子奔走共設須臾德公還直入相就不知何者是客也趙娥龐清母娥父為同縣人所殺而娥兄弟二人俱病故娥陰懷感憤磨刀候讐家十餘年後遇於都亭娥即刺殺之詣縣自首縣長義之欲與解罪娥不肯自入於獄遇赦得免



左慈



荀采


左慈字元放廬江人少有神道在操坐多作怪異之事操欲收殺之乃卻入壁中不知所在復捕見於市市人皆變形與慈同復見於城陽山頭逐之遂變入羊群莫知所取焉荀采陰瑜之妻十九而寡父爽以采再許同郡郭奕奕抱載之到郭氏歎曰我本立志與陰氏同穴不免逼迫至此與奕相見談論奕敬憚之不敢逼至曙而出采掩戶自縊而絕





蔡琰

蔡琰邕之女博學有才辨
妙於音律適河東衛仲道
夫亾無子興平中喪亂爲
胡騎所獲沒於匈奴左賢
王十二年生二子曹公素
與伯喈善遣使以金璧贖
之嫁與董祀



蔡文姬氏



蔡文姬琰字曹公問夫人
家先多墳籍猶能記憶之
否文姬曰昔亾父賜書四
千餘卷流離塗炭罔有存
者今所誦憶裁四百餘篇
乞給紙筆真草惟命於是
繕寫送上文無遺誤

六
自
身












浙江圖書館善本

登記號：003276

一九五八年四月十五日



陸陸伍陸年 貳月 念 陸日



Centimetres

TIFEN Color Control Patches

© The Tiffen Company, 2007

Blue
Cyan
Green
Yellow
Red
Magenta
White
3/Color
Black



庚辰年 貳月 念 陸日

